



UNIVERSITÄTS-  
BIBLIOTHEK  
PADERBORN

**Claudii Fleurii Abbatis Historia Ecclesiastica**

Ab Anno Christi 1143. Usque Ad Annum 1176

**Fleury, Claude**

**August. Vind. [u.a.], 1762**

**VD18 90118014**

§. 55. Concilium Laudense.

---

[urn:nbn:de:hbz:466:1-66377](#)

nali Guilielmo Papiensi (is enim neutri parti adhærebat) postquam diu deliberas-  
sent, statuerunt, ob suam paucitatem, Sæcul. XII.  
neutrum recipere, quo usque vel univer- A.C. 1161.  
salis vel saltem plurium Regnorum Syno-  
dus conveniret, & sic manifestius ap-  
pareret, quem denique major & senior  
pars totius Ecclesiæ receptura esset. Id  
ergo suaserunt Imperatori, cui bæc ra-  
tio minime probabatur, quin contra sin-  
gillatim ad se vocatos Octavianum re-  
cipere tum precibus tum minis compulit.  
Verum jam tunc baud plures quam viginti  
Episcopi aderant, nam alii viginti qua-  
tuor, & ipse Episcopus Papiensis, in  
cujus urbe bæc agebantur, clam recesserant.  
Hæc Guilielmus Cardinalis testata facie-  
bat. Communi itaque consilio amborum  
Regum & totius ipsorum Ecclesiæ, re-  
jecto Octaviano Schismatico, Alexander  
receptus est. Archiepiscopus Trevirensis  
in unitate Ecclesiæ durat. Quidam ex  
eis, qui Octaviano manus dederant, re-  
vertuntur. Nos ipsi Cartusiensium preci-  
bus dedimus, ut pro eorum Episcopo Gra-  
tianopolitano intercederemus. Huc us-  
que de Concilio Tolosano Abbas Fastra-  
dus in epistola ad Episcopum Veronen-  
sem.

## §. LV.

Concilium Laudense \*.

Inter hæc Victor Antipapa Concilium  
primo

\* Lod.

**Sæcul. XII.  
A.C. 1161.**

*to. 10.  
p. 1409. ex  
Otto Mor.  
p. 834.*

primo Ticini, deinde Cremonæ indictum, tandem ut Imperatori præsenti obsequetur, Laudæ celebravit. Inceptum est in Festo SS. Gervasi & Protasi die decima nona Junii anno millesimo centesimo sexagesimo sexto. Interfuit Imperator cum Curiæ suæ Proceribus, & Duce Bohemiæ. Præterea Pelegrinus Patriarcha Aquilejensis, & Guido eleitus Ravennæ Archiepiscopus aliquique multi Episcopi, cum magna copia Abbatum, Priorum, Præpositorum aliorumque Virorum Ecclesiasticorum. Hi uno ore electionem Victoris, sicut anno superiore in Concilio Papiensi factum fuerat, confirmarunt. In isto recitata sunt literæ Regum Daniæ, Norwegiæ & Hungariæ, sex Archiepiscoporum, Episcoporum viginti, & plurimorum Abbatum etiam Ordinis Cisterciensis, qui Victorem Papam venerabantur, & facturos se esse promittebant, quidquid in hoc Concilio constitueret. Excommunicationis sententia lata est in Hubertum Archiepiscopum Mediolanensem, Alexandro Papæ addictum, ad quem Genuam se contulit & anno sequente in Franciam proficiscentem secutus est. Excommunicati quoque sunt Consules civitatis Mediolanensis, qui eam adversus Imperatorem (nam tunc eam obsidione cingebat) propugnabant. Rursus, Episcopis

*Ital. Sacr.  
tom. 4.  
p. 210.*

scopis Placentino & Brixiensi, atque utri- Sæcul. XII.  
usque urbis Consulibus, anathema di- A.C. 1161.  
ctum. Depositus est Episcopus Bononien-  
sis, Paduanus autem usque ad primam  
diem Augusti suspensus. Concilium Lau-  
dense usque ad Festum S. Jacobi, diem  
vigesimal quintam Julii tenuit.

Præterea in Conventu Laudensi ful-  
mine Ecclesiastico perculsi sunt auctores  
& consciæ cædis, qua Arnoldus Archi-  
episcopus Moguntinus truculentum in  
modum anno superiore sublatus fuerat.  
Is Præsul successerat Henrico Archiepi-  
scopo, a duobus S. Sedis Legatis anno  
millesimo centesimo quinquagesimo  
quarto deposito. Sed multi Henrico  
adhucdum favebant, & contra fas de-  
positum fuisse querebantur. Arnoldo  
quoque, Moguntiæ nato, amici & Clien-  
tes non deerant; hinc bellum civile &  
seditiones frequentissimæ exortæ. Qui-  
dam Laici, Arnoldo adhærentes, Ec-  
clesia principe occupata, Clericos factio-  
nis oppositæ ab ingressu areebant; nam  
Archiepiscopus plurimorum ex Clericis  
suis animos contra se usque adeo accen-  
derat, ut anno millesimo centesimo quin-  
quagesimo nono in Synodum armati in- Dodech.  
trantes eum ejecissent, nisi ipsos Co- ch. 59.  
mites Laici repulissent. Tunc quidem  
Archiepiscopus in Longobardiam pro-  
fectus querelas ad Imperatorem detulit.

Post-

*Sup. Lib.*  
*LXIX.*  
*§. 64.*

*Chron.*  
*Cora*  
*Christ. ap.*  
*Serrar.*

*Dodech.*  
*ch. 59.*

**Sæcul. XII.** Postquam vero de Concilio Papiensi re.  
A.C. 1161. versus est, ejus inimici in visum sibi Pra-  
fulem e medio tollere statuerunt. Ipse  
ab amicis insidiarum certior factus in-  
dicium sprevit. Sed tandem in Festo  
S. Joannis vigesima quarta Junii anno  
millesimo centesimo sexagesimo Arnol-  
dum in Monasterio S. Jacobi diversantem  
adorti, ignem tectis subjiciunt. Tum  
turrem Ecclesiæ conscendens & inde  
furiosis collocutus nihil obtinuit, cum  
que sciret monachis licentiam fugiendi  
concessam fuisse, arrepto cujusdam mo-  
nachi habitu evadere conatus est. Sed  
ab hostibus deprehensus multis adactis  
vulneribus trucidatur. Corpus vesti-  
mentis spoliatum & insepultum toto tri-  
duo infimæ plebis insultibus expositum  
jacuit. Hic exitus fuit Arnoldi Archi-  
episcopi Moguntini, postquam hanc Se-  
dem annis septem occupasset.

*Dodech.  
1160. Et.*

Arnoldi interfectores, timentes, ne  
essent, qui paricidii pœnas exposcerent,  
Canonicos Moguntinos ad eligendum  
Archiepiscopum Rudolphum filium Du-  
cis Zæringiæ, a quo sperabant impuni-  
tatis præsidium, compulerunt. Eodem  
autem tempore Conradus Comes Pala-  
tinus Christianum Comitem Buchensem  
in Thuringia eligi curavit. At Rudol-  
phus in Longobardiam profectus, maxima  
dona ferens, Investituram ab Imperatore  
petiit